

## II - ARABAKO LURRALDE HISTORIKOAREN TOKI ADMINISTRAZIOA

### AGURAINGO UDALA

**Behin betiko onespena ematea zerbitzu publikoen eta administrazio jardueren tasak arautzen dituen ordenantzaren c) epigrafea (Udal Musika Eskolaren zerbitzua eskaintzeagatik ordaindu beharreko tasa) aldatzeari**

Udal honek, 2020ko martxoaren 26an egindako ohiko bilkuran, behin-behineko onespena eman zion zerbitzu publikoak eskaintzearen eta administrazio jarduerak egitearen tasak arautzen dituen zerga ordenantzaren 2020/2021eko ikasturterako udal musika eskolaren zerbitzuaren tasari buruzko c) epigrafea aldatzeari. Espediente hori jendaurrean egon den bitartean erreklamaziorik aurkeztu ez denez gero, espediente hori behin betiko onesten da. Beraz, Toki Ogasunak arautzen dituen 41/1989 Foru Arauak 16.4 artikuluan xedatzen duena betetzeko, argitaratu egiten da, indarrean jar dadin.

#### **C) epigrafea. Udal musika eskolaren zerbitzu tasa, 2020/2021 ikasturtea**

“Agurain” musika eskola publikoak emandako zerbitzuaz informazio gehiago nahi izanez gero, begiratu barne arautegian.

#### ZERBITZUAREN DESKRIPZIOA

Eusko Jaurlaritzako Hezkuntza Sailak baimendutako “Zortziko Musika Eskola” Aguraingo musika eskola publikoaren helburu nagusia da edozein adinetako pertsoneri musikako prestakuntza praktikoa eskaintzea. Nolanahi ere, horrek ez du esan nahi zaletasun eta gaitasun berezia dutenei ikasketa profesionalerako orientabidea eta prestakuntza emango ez zaizkienik.

Ildo horretatik, irakaskuntza aukera bakarra eskaintzen da, bere helburu eta edukiak kontuan hartuta.

Aukera hori urriaren 27ko 289/1992 Dekretuak jasotako 1., 2. eta 3. mailek egituratzen dute:

- 1. maila edo atalase maila (4-7 urte). Ez da gaitasun mailarik egongo. 4 kurtso iraungo du.
- 2. maila edo hastapen maila (8 urtetik aurrera). Kontserbatorioko oinarrizko ikasketak gaintzeko behar den gaitasunaren parekoa edo baliokidea izango da ikasleek lortu beharreko gaitasuna. 6 kurtso iraungo du.
- 3. maila edo finkatzekoa. Ikasleek lortu beharreko gaitasuna izango da kontserbatorioko musikako lanbide ikasketetako laugarren mailaren parekoa edo baliokidea edo, halakorik ez badago, instrumentu taldeekin edo ahots taldeekin ondo moldatzeko adina independentzia lortzea instrumentuarekin edo ahotsarekin. 6 kurtso iraungo du.

#### IKASGAIK ETA DAGOZKIEN MAILAK

- 1. maila.
- Musika hizkuntza.
- Bakarkako kantua.
- Instrumentu espezialitatea: Udalak ikasturte bakoitzerako ezartzekoa: biolina, biola, biolontxelo, tronpeta, tronboia, bonbardinoa eta tuba, zeharkako txirula, klarineta, saxofoia, perkusioa, pianoa, organoa, eskusoinua, gitarra, trikitia, txistua, alboka, dultzaina, gitarra elektrikoa eta baxu elektrikoa.

- Instrumentu taldea.
- Ahots taldea.
- Konboak.
- Harmonia modernoa.
- Kontserbatoriora sartzeko proba prestatzea.
- Eusko Jaurlaritzako Hezkuntza Sailak baimendutako gainerako espezialitateak.

Halaber, ikasturte bakoitzerako udalak erabakitako lantegiak eman ahal izango dira.

Musika hizkuntza ikastaroak.

18 urtetik beherako ikasleek musika hizkuntzako 4 kurtso egingo dituzte nahitaez, salbu eta musika eskolako musika hizkuntzako lau kurtso horien baliokide diren ezagutzak lehendik dituztela frogatzen badute.

18 urtetik gorako ikasleek, barne erregimenaren arautegian jasotakoaren arabera berariazko modalitatean egongo direnek, musika hizkuntzako 2 kurtso egingo dituzte nahitaez, salbu eta musika eskolako musika hizkuntzako 2 kurtso horien baliokide diren ezagutzak egiaztatzen badituzte.

2020-2021 ikasturterako, astean 30 minutuko eskola emango zaio ikasle bakoitzari.

#### MUSIKATRESNAK LAGATZEA

Musika tresna bat jotzen ikasteko egunero jo behar da, eta horretarako beharrezkoa da musika tresna eskueran izatea. Nork bere musika tresna eduki ezik, ikasleen ardura izango da praktikatzeko beste moduren bat aurkitzea.

Dena den, musika eskolaren musika tresna lagatzeak prestakuntzako lehen hiletan musika eskolan matrikulatutako ikasleen ikasketak erraztea baino ez du helburu. Epe hori igarota, ikasleak ikasten jarraitzen badu, erosi egin beharko du musika tresna.

Musika eskolak tresna jakin batzuk ditu jabetzan, eta etxean jotzeko laga ahal izango ditu, lagapen hitzarmen baten bidez, honako zehaztapen hauekin:

1. Musika Eskolako Zuzendaritza Batzordeak onetsitako lagapenaren iraupena ikasturte batekoa izango da, eta beste ikasturte batez luzatzeko aukera izango da. Ikasturte horrek dagokion koadroan adierazitako urteko kuota ordaindu behar izana dakar.

2. Musika eskolako musika talde batean edo horren multzo osagarri batean (tokiko musika banda) parte hartzen ari diren ikasleek lehentasuna izango dute musika tresnak esleitzerakoan. Musika eskolak musika tresna jakinen bat ez badauka, ez da behartuta egongo halakorik erostera. Halaber, talderen batean parte hartzen ari diren ikasleek erabiltzen dituzten eskolaren jabetzako tresnak (musika banda, Lautada Orkestra, etab.) epe luzeagorako laga ahal izango dira, baldin eta musika tresnarik badago eta Musika Eskolako Zuzendaritza Batzordeak alde zuzena aurretik hala erabakitzen badu.

3. Aurreko paragrafoan aipatutako ikasleei esleitu ondoren, tresna gehiago izanez gero, lehentasuna emango zaie erroldatuei, eta, hala ere, gehiago badaude, zozketa bidez esleituko dira.

4. Ikaslea adingabea bada, haren guraso edo tutoreek zainduko dute onik lagatako musika tresna eta, kalterik egiten bazaio, haiek ordainduko dute haren konponketa. Hala ez bada, ikasleak galdu egingo du lagapen eskubidea, eta, aldi berean, behartuta egongo da konponketa ordaintzera. Konponketa udalak egingo du, eta, ondoren, gastua jasanaraziko zaio.

5. Era berean, musika tresnaren bat lagata duten ikasleen kontura izango dira mihiak eta norberak erabiltzeko gainerako material suntsigarriak erostea.

Tresnen lagapen kuoten taula:

MUSIKA TRESNAK LAGATZEA	ERROLDATUAK	ERROLDATU GABEAK
	42,11 euro	42,11 euro

#### ESKOLEN IRAUPENA, IKASGAIEN ARABERA

a) 1. maila edo atalase maila. 1. maila guztian talde bat egongo da lerroko.

- 4 eta 5 urtekoen taldeak. Gehieneko ikasle kopurua taldeko: 12. Astean ordu bat taldeko, 30na minutuko bi eskolatan.

- 6 urtekoen taldea. Gehieneko ikasle kopurua taldeko: 14. Astean ordubete eta 30 minutu taldeko, 45na minutuko bi eskolatan.

- 7 urtekoen taldea. Gehieneko ikasle kopurua taldeko: 14. Astean ordubete eta 30 minutu taldeko, 45na minutuko bi eskolatan. Ikasleek lantegien bidez jasoko dituzte musika eskolan ematen diren musika tresnen eskolak; horrela, informazio gehiago izango dute 2. mailan ikasi beharreko musika tresna aukeratzean.

b) Musika hizkuntza.

Musika hizkuntzako maila guztietan (1., 2., 3. eta 4. mailak) gehienez ere 20 ikasleko taldeak egingo dira, eta gutxienez, 8 ikaslekoak, astean gehienez ere 90 minutuko iraupenarekin. Taldeak berregituratzeko aukera egongo da, ikasle kopuruari eta eskolen iraupenari dagokienez, taldea osatzen duten ikasle kopuruak, gehiegi edo gutxiegi direlako, ikaste prozesu egokia eragozten badu. Nolanahi ere, taldeak berregituratu arren, gutxienez, 4 kide izan beharko ditu. Horrez gain, arrazoitu egin beharko da berregituraketa.

c) Funtsezko irakaskuntza: instrumentu edo kantua.

Instrumentuaren edo bakarlari kantua funtsezko irakaskuntzarako, gehienez ere 30 minutuko eskola emango zaio ikasle bakoitzari astean.

Eskolak, berez, talde eskolak edo partekatuak izango dira, gutxienez saioetatik erdiak. Hala ere, antolamendu arrazoiak direla-eta (taldea osatu ezin denean ikasleek maila, gaitasun edo interes ezberdinak dituztelako edo ordutegian ados jartzen ez direlako), bakarkako eskolak nagusi izan daitezke.

d) Talde irakaskuntza (instrumentu edo ahots taldeak) eta konboak.

Talde irakaskuntzako denbora lortu nahi diren helburuen arabera ezarriko da, baina, oro har, astean 30 minutu emango dira taldeko, gutxienez, eta 60 minutu taldeko, gehienez. Modu justifikatua eta zuzendaritza batzordeak proposatuta, musika eskolako lehendakariaren onespena izanez gero, taldeko 60 minutu gehiago eman ahal izango da astero, baldin eta parte-hartzaile kopurua dela-eta iraupen luzeagoa behar bada.

e) Ikasketa osagarriak.

Musika eskolak ezarriko ditu, jarritako helburuen arabera, irakaskuntza osagarrietako denborak, unean uneko eta iraunaldi jakineko irakaskuntza izan (ikastaroak, lantegiak eta abar) nahiz iraunkorrak izan.

#### IKASLEEN BERTARATZEA

Ikasle orok egiaztatu behar du ikastegian emandako denbora ondo aprobetxatzen duela; bestela, musika eskolatik kanporatu ahal izango dituzte, Barne Erregimenaren Arautegiak jasotako bideak erabiliz.

Ikasturtean zehar, musika hizkuntzan 10 hutsegite edo gehiago edota instrumentuan edo instrumentu taldean 6 hutsegite edo gehiago dituzten ikasleei baja emango zaie musika eskolan;

gaixotasunagatik edo idatziz justifikatutako beste arrazoiren batengatik egindako hutsegiteak ez dira kontuan hartuko.

### SARTZEKO BALDINTZAK

- Gutxienez lau urte izan beharko dira musika eskolan sartzeko.
- Ikasle zaharrek eta berriek matrikulazio arauetan ezarritako prozedurari jarraituz bete beharko dute izena emateko eskaera.
- Aurreko ikasturteetan zerbitzua emateak sortutako kuoten ordainketa egunean izan behar da.
- Ikasleren batek hezkuntza behar berezirik badu, matrikulatu aurretik jakinaraziko dio musika eskolari. Behar horien berri ematen ez bada, eskolak ez du erantzukizunik izango.

Eskaeren balorazioa eta sartzeko prozesua.

Ikasgai bakoitzerako egongo den plaza kopurua mugatua denez, honela hautatuko dira musika eskolako ikasleak:

1) Aurreko ikasturteetan matrikulaturiko ikasleek lehentasuna dute berrien aldean. Lehentasuna izango dute, halaber, 1. mailako azken mailako ikasleek (7 urte), baldin eta aukeratutako musika tresnak plaza hutsik badago hurrengo ikasturtean; kasu horretan, plaza gordeko zaie.

2) Aguraingo udalerrian erroldatuta dauden eskatzaileek lehentasuna izango dute erroldatuta ez daudenen aldean.

3) Plazak esleitzerakoan, halaber, lehentasuna izango dute aurreko ikasturtean musika hizkuntza musika tresnarik gabe ikasten duten ikasleek eta eskolako musika talderen baten jo eta musika tresnaren matrikularik ez dutenek.

4) Eskatzaile berrien kopurua libre dauden plazen kopurua baino handiagoa bada, zozketa hauek egingo dira lehentasun ordena ezartzeko (zozketarako arauak "ordainketa baldintzak eta matrikulatzeko arauak" ataleko 2. puntuan azaldu dira):

- Agurainen erroldatuta daudenen arteko zozketa.
- Erroldatu gabekoen arteko zozketa.

### EGUTEGIA ETA ORDUTEGIA

- Musika eskolak dagokionean ezagutaraziko den eskola egutegiaren arabera ekingo dio ikasturteari.
- Ikasturte hasieran onartutako egutegian ezarritako lan ordutegien arabera izango da musika eskolaren ordutegia, eta edozein arrazoi dela eta egutegi horretan aldaketa iraunkorrik edo aldian aldikorik egiten bada, zuzendaritzari eman beharko zaio horren berri.
- Beste jarduera batzuen ordutegiak, dela jarduera ludikoena, kirol jarduerena edo prestakuntza jarduerena, musika eskolak eskainitako ordutegira moldatu beharko dira. Ordutegiek bat egiten badute, musika eskolak ez du zertan ikasleari beste ordutegi bat eskaini.
- Ekainean irakasleek ikasleei deituko diete eskola ordutegiak hautatzeko.

### ZERBITZUAREN PREZIOA

Tasa orokorrak:

IKASGAIA	MATRIKULA	HILEKO KUOTA
1. maila	171,63 euro	38,61 euro
Musika hizkuntza	171,63 euro	38,61 euro
Musika tresna	171,63 euro	38,61 euro

IKASGAIA	MATRIKULA	HILEKO KUOTA
Harmonia modernoa	171,63 euro	38,61 euro
Instrumentu taldea edo konboa		9,01 euro
Ahots taldea		9,01 euro
Irakaskuntza indartua	192,70 euro	47,31 euro

**Hobariak:**

1. Ezarritako tasetan Aguraingo Udalak ehuneko hobari bat jarriko die musika eskolan ikasurtea hasi aurreko gutxienez hiru hilabeteetan Aguraingo udalerrian erroldatuta daudenei, baldin ikasturtean zehar bertan erroldatuta jarraitzen badute. Hona hemen kolektibo horrentzako tasak:

IKASGAIA	MATRIKULA			HILEKO KUOTA		
	TASA	HOBARIA	BEHIN BETIKO TASA	TASA	HOBARIA	BEHIN BETIKO TASA
1. maila	171,63	89,89	81,74	38,61	20,38	18,23
Musika hizkuntza	171,63	89,89	81,74	38,61	20,38	18,23
Musika tresna	171,63	89,89	81,74	38,61	20,38	18,23
Harmonia modernoa	171,63	89,89	81,74	38,61	20,38	18,23
Instrumentu taldea edo konboa				9,01	4,71	4,30
Ahots taldea				9,01	4,71	4,30
Irakaskuntza indartua	192,70	101,46	91,24	47,31	24,91	22,40

2. Kide guztiak erroldatuta dituzten familia unitateek, gainera, hobari hauek izango dituzte:

- Musika eskolan familia unitateko bi pertsona matrikulatzen badira, bigarren kidearen matrikula kuotan ehuneko 5eko beherapena egingo da.
- Musika eskolan familia unitateko hiru pertsona matrikulatzen badira, hirugarren kidearen matrikula kuotan ehuneko 10eko beherapena egingo da.
- Musika eskolan familia unitateko lau pertsona edo gehiago matrikulatzen badira, laugarren eta hortik aurrerako kideen matrikula kuotan ehuneko 15eko beherapena egingo da.

**ORDAINKETA BALDINTZAK ETA MATRIKULA EGITEKO PROZEDURA**

Matrikularen prezioa, norberarena eta besterenezina, honela ordainduko da:

1. 2019-2020 ikasturtean matrikulatutako ikasleak (1. mailako 4. kurtsoa izan ezik):

Matrikula egiteko datak eta prozedura:

1.1. Maiatzaren 25etik ekainaren 5era (biak barne). Ikasleak eskabidea baino ez du aurkeztu behar izango aldikada horretan. Ondoren, Aguraingo Udalak matrikula kobratuko dio bankuan helbideratuta. Izen emate eskaerak musika eskolako irakasleei eman behar zaizkie Egun horietan matrikula behar bezala egiten ez bada, ikasleak lekua gordeta izateko eskubidea galduko du.

1.2. Ikasleek, 2020-2021 ikasturtean jarraitu nahi ez badute, idatziz jakinarazi beharko dute matrikulazio aldian.

1.3. 2019-2020 ikasturteko ikasleek beste irakasgaireren bat egin nahi badute, hala adierazi behar dute matrikulazio fitxan, eta irakasgai horretarako ikasle berriztat hartuko dira.

2. 2019-2020 ikasturtean 1. mailako 4. kurtsoan matrikulatutako ikasleak:

Matrikula egiteko datak eta prozedura:

2.1. Maiatzaren 25etik ekainaren 5era (biak barne). 1. mailako irakasleari eman behar zaio izena emateko fitxa, eta bertan adierazi musika tresna hautatzeko hiru aukerak.

2.2. Behin matrikulazio epea itxita, instrumentu espezialitatearen hautaketa egiteko hurrenkera zehazteko bi letraren zozketa egingo da (zozketa horrek 2020-2021 ikasturtean musika eskolako instrumentu hautaketa guztietarako eta itxaron zerrendetarako balioko du). Egun horretan bertan (2020ko ekainaren 9a), musika eskolako itxarongelan, 1. mailako 7 urteko ikasleek musika tresna hautatuko dute.

2.3. Ondoren, Aguraingo Udalak matrikula kobratuko dio bankuan helbideratuta. Egun horietan matrikula behar bezala egiten ez bada, ikasleak lekua gordeta izateko eskubidea galduko du.

3. Ikasle berriak.

Matrikula egiteko datak eta prozedura:

3.1. Ekainaren 10etik ekainaren 19ra (biak barne) izena emateko orria baino ez da aurkeztu beharko.

3.2. Behin matrikulazio epea itxita, argitaratu egingo dira onartutako ikasleen zerrendak eta itxarote zerrendak.

3.3. Erreklamazioak egiteko aldia: Behin matrikulazio epea itxita eta argitaratuta onartuen eta baztertuen zerrendak, musika eskolak erreklamazio epeak hasiko ditu; dagokienean jakinaraziko dira.

3.4. Erreklamazioak ebatzita, Aguraingo Udalak matrikula kobratuko dio bankuan helbideratuta. Egun horietan matrikula behar bezala egiten ez bada, ikasleak lekua gordeta izateko eskubidea galduko du.

#### INPRIMAKIAK ETA BETE BEHARREKOAK

Interesatuta daudenek, izena emateko eskaera orriak Musika Eskolan (Zapatari kalea, 33) har ditzakete, astelehenetik ostegunera edo, bestela, jaitsi Aguraingo Udalaren web orrian ([www.agurain.eus](http://www.agurain.eus)).

Eskaera orria bete eta gero, musika eskolara eraman beharko da, gorago adierazitako egun eta ordutegietan.

#### MATRIKULA EDO KUOTAK ITZULTZEA ETA BAJAK

Itzulketak.

Hura egindakoan baino ez da itzuliko matrikula, salbu eta ikasle batek musika eskolan matrikula egin badu eta, sarbide proba gaudituz ondoren, aurrez matrikulatu den ikasturtean kontserbatorio profesional edo goragoko maila batean onartua izan bada eta dokumentu bidez egiaztatzen badu.

Hileko kuotak oro har eta inolako hainbanaketarik gabe ezarriko dira, edozein delarik ere ikaslea musika eskolan sartu den eguna.

Irakaslearen baja dela eta, ikasleak hilabeteen eskolen ehuneko 75 jasotzen ez baditu, ez zaio hil horretako kuota kobratuko.

Eskolara ez etortzeak, arrazoia edozein dela ere, baita behar bezala justifikatutako arrazoiak ere, ez du inolako murrizketa edo itzulketa eskubiderik sortuko.

Bajak.

Eskolan baja ematen duen ikasleak hileko kuota guztiak ordainduko ditu ikasturtea amaitu arte, salbu eta baja gaixotasunagatik edota dokumentuen bidez behar bezala justifikatzen diren arrazoi medikoengatik bada.

Bajaren bat badago, eta ikasgaiak plaza hutsik eduki eta baja hori aribideko urteko urtarrietik aurrera bada, onartutako tasaren ehuneko 75 izango da ikasle berriak ordaindu beharreko matrikularen zenbatekoa. Alta egun hori baino lehenago balitz, ikasle berriak matrikula eta kuota osoa ordaindu beharko luke plaza bereganatzen duen egunetik bertatik.

## ESKAERAK

Eskaeran daturen bat ez bada aipatzen edo gezurrezkoa bada, hura baliogabeturik geratuko da.

## ORDUTEGIAK AUKERATZEA

Ekainaren bigarren hamabostaldian irakasleek ikasleei deituko diete ordutegiak hauta ditzaten.

Zerbitzu publikoen eta administrazio jardueren tasak arautzen dituen zerga ordenantzaren epigrafe honi 2020ko uztailaren 14an eman zitzaion behin betiko onspena.

Zerga ordenantza honen aldaketa behin betiko onesten da, eta beronen aurka administrazioarekiko auzi errekurtsioa baino ezin daiteke aurkeztu, ALHAOn argitaratzen denetik aurrera, jurisdikzio hori arautzen duten arauetan ezarritako modu eta epeetan.

Guztiak jakin dezaten argitaratzen da.

Agurain, 2020ko uztailaren 14a

*Alkatea*

*ERNESTO SAINZ LANCHARES*